



Sarajevo, 8.3.2024.

**PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE**  
n/r predsjedavajućeg

|                                                                                                                                                                           |                       |            |              |
|---------------------------------------------------------------------------------------------------------------------------------------------------------------------------|-----------------------|------------|--------------|
|  <b>BOSNA I HERCEGOVINA<br/>PARLAMENTARNA SKUPŠTINA BOSNE I HERCEGOVINE<br/>SARAJEVO</b> |                       |            |              |
| PRIMLJENO: 08-03-2024                                                                                                                                                     |                       |            |              |
| Organizaciona jedinica                                                                                                                                                    | Klasifikaciona oznaka | Redni broj | Broj priloga |
| 01 -                                                                                                                                                                      | 50-1-                 | 549        | 124          |

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20, 53/22, 59/23 i 87/23) postavljam sljedeće

#### POSLANIČKO PITANJE

***Kada se može očekivati usvajanje Akcionog plana za djecu Bosne i Hercegovine i koje aktivnosti su do sada provedene?***

Образложење:

U Izvještaju Evropske komisije o Bosni i Hercegovini za 2023. godinu navedeno je da nisu preduzeti nikakvi koraci na izradi i usvajanju novog Akcionog plana za djecu koji bi zamijenio Akcioni plan izrađen za period 2015-2018. godine. Institucija ombudsmena za ljudska prava Bosne i Hercegovine je u 2022. godini primila 219 žalbi u vezi prava djeteta (190 u 2021., 190 u 2020.).

U Izvještaju Evropske komisije je, između ostalog, navedeno i sljedeće:

“Bez roditeljskog staranja u 2020. godini bilo je 1103 djece (1623 u 2019.), od kojih su mnoga djeca sa smetnjama u razvoju. Prelazak na zbrinjavanje u zajednici treba ubrzati. Kako bi se osigurao najbolji interes djeteta i izbjegla institucionalizacija, potrebne su mjere za sprečavanje razdvajanja porodice i obezbjeđivanje hraniteljstva i alternativnih rješenja, kao i podrška djeci koja napuštaju ustanove za zbrinjavanje u dobi od 18 godina. Eksploatacija djece i dječje prosjačenje i dalje su ozbiljno zabrinjavajući; nisu preduzete nikakve mjere za njihovo rješavanje uprkos hitnosti. Nasilje nad djecom se i dalje premalo prijavljuje. Neka djeca su bez obaveznog zdravstvenog osiguranja, što je potrebno riješiti. Marginalizovane grupe, kao što su Romi, suočavaju se sa višestrukim oblicima diskriminacije, što posebno pogađa djevojčice i žene. Vlasti nisu preduzele nikakve mjere za prikupljanje preciznih i dosljednih podataka o nasilju nad djecom i dječjem siromaštvu. Bosna i Hercegovina je ratifikovala sve ključne međunarodne instrumente o dječjem radu. Minimalna starosna dob za rad u cijeloj zemlji je 15 godina. Međutim, to se u praksi ne primjenjuje na djecu koja rade bez formalnog radnog odnosa. Dječje prosjačenje također nije zabranjeno kao opasan posao za djecu. Romska djeca su posebno osjetljiva na najgore oblike dječjeg rada.

Djeca migranti bez pratnje suočavaju se sa specifičnim izazovima, kao što su pristup sigurnom smještaju i postupci za davanje azila. U 2021. godini utvrđeno je da je u BiH bilo 1878 djece migranata bez pratnje (351 u 2020., 533 u 2019.). Za 817 djece su imenovani zakonski staratelji (2020. za 987 djece, 2019. za 304). Hitno se moraju naći alternative za zadržavanje nezakonitih migrantskih porodica sa djecom i mora se osigurati upis rođenja djece migranata bez dokumenata”.

**Pitanje postavljam ministru za ljudska prava i izbjeglice Bosne i Hercegovine.**

*Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.*

Poslanik SDP BiH  
Saša Magazinović

